

აზიზი და წარსულის გაპვეთილება

ინოვაციებისა და სამოქალაქო
განვითარების ცენტრი
“პროგრესის სახლი“

საგაზეთო ჩანართი №12, 2025 წ.

თქვენ წინაშეა საგაზეთო ჩანართი, რომელიც მომზადებულია პროექტის – “მოქალაქეთა ცნობიერების ამაღლება დემოკრატიული პროცესების მხარდასაჭერად“ ფარგლებში. პროექტს ახორციელებს **ოზურგეთის ინოვაციების**

და სამოქალაქო განვითარების ცენტრი – პროგრესის სახლი. გამოცემაში პერიოდულად წარმოგიდგენთ პუბლიკაციებს, სხვადასხვა დროსა და სივრცეში შექმნილ ნაშრომებს სამოქალაქო საზოგადოებისა და დემოკრატიული

ღირებულებების შესახებ. ჩვენი მიზანია, მკითხველს წარმოვუდგინოთ ქართველი და უცხოელი ავტორების მოსაზრებები სამოქალაქო ფასეულობების როლსა და მნიშვნელობაზე **პროექტის გუნდი.**



პარალელები დღევანდელობასთან

„რა გითხრათ, რით გაგახაროთ“ დღეს არის წარსულის გაკვეთილი და მოტივაცია მომავლისთვის. სტატიის ძირითადი თემები დღევანდელი საქართველოსათვისაც აქტუალური და გადასაწყვეტია: სოციალური უსამართლობა, ქვეყნის არასწორი მოწყობა, პოლიტიკური ინერტულობა ხელისუფლებაშიც და საზოგადოებაშიც, კულ-

ტურული იდენტობის, ქართული კულტურისა და ენის დაცვა... განათლება ილიასთვის არის მთავარი იარაღი საზოგადოების პროგრესისა და განვითარებისთვის. იგი მოუწოდებს განათლების სისტემის გაუმჯობესებას და ხელმისაწვდომობის გაზრდას... სტატია 1897 წელს დაინერგა და ასახავს საქართველოს სო-

ციალურ და პოლიტიკურ მდგომარეობას. ეს არის მწარე კრიტიკა და გამოხატავს მწერლის ნუხილს და პასუხისმგებლობას ქვეყნის მომავლის მიმართ. რა თქმა უნდა, რუსეთი ნახსენები არაა, რუსი ცენზორი ფიზილად იყო... **ილია დღესაც მოგვიწოდებს მოქმედებისაკენ, სანამ...**

რა ბითხრათ, რით გაგახაროთ?

აჰა, ერთი კიდევ ახალი წელიწადი... რა მოვულოცოთ ჩვენს თავს, ქართველს? რა გვაქვს დღეს სასურველი, რომ დავიკვებოთ და შევირჩინოთ, რა გვაქვს ხვალ სანატრელი, რომ ვინატროთ და მოვილოდინოთ? უკან მივიხედავთ ამ ახლო ხანებში და ისეთი არა გვრჩება რა, რომ თავი მოვიწონოთ ან ნანვითა ვთქვათ: „ჰოი, წამო სიხარულისაჲ, ესე სწრაფად სად ნახვედი!“ **წინ ვიყურებით და ხვალწინდელის ნისლში იმისთანა არა მოსჩანს რა, რომ გული გულის ადგილსავე დაგვრჩეს, ან ნატვრით ვთქვათ: „მოვიდინ, დღეო სიხარულისაო!“** **რა გითხრათ, რით გაგახაროთ?** ნუთუ ისევე ძველებურადვე თავი უნდა დაგიკრათ და მოგახსენოთ: „შემოდგი ფეხი, გწყალობდეთ ღმერთი...“ **სულ წყალობა ღვთისა და წყალობა ღვთისა, ერთხელ ჩვენ თვითონაც თითი გავძრათ. ერთხელ ჩვენ თითონაც მივდგეთ-მოვდგეთ. წყალობა ღვთისა კარგია, მაგრამ რა ქმნას მარტო წყალობამ, თუ ღვთის მიერ ნაწყალობებს თითონ ადამიანი არა ჰრწყავს, არა სხლავს, არა ჰფურჩქნის, არ უვლის, არ ჰპატრონობს. ღმერთმა, რაც წყალობა იყო, უკვე მოიღო ჩვენზე. დანარჩენი თქვენ იცით და თქვენმა კაცობამაო.**

რა კაცობა გამოვიჩინეთ? **რა გითხრათ? რით გაგახაროთ?** ჩვენთვის ღმერთს არა დაუშავებია რა, არა დაუხოგვია რა, არა დაუკლია რა; თუ ქვეყანაზე ერთი-ორი კუთხეა იმისთანა, რომ კაცს ეთქმოდეს – ქრისტე ღმერთმა თავისი კალთა უხვებისა აქ დაიბერტყაო, იმათში უკანასკნელი საქართველო არ არის. რაც ღვთის შემძლეო-

ბით არის და არა კაცისათი, ის ყველაფერი უკვე მოგვმადლა ღმერთმა. ხელთ გვიჭირავს ეს მშვენიერი ქვეყანა, რომლის მნახავთ შეუძლიათ სამართლიანად სთქვან: „სხვა საქართველო სად არის, რომელი კუთხე ქვეყნისა“. **ამ სამოთხე ქვეყანაში მარტო ქართველს უგუზდება სული, გული ელევა, ხორცი ადნება...**

რა გითხრათ? რით გაგახაროთ? ტყე-მინდორი, მთა-ბარი, მიწა-წყალი, ჰავა-ჰაერი იმისთანა გვაქვს, რომ რა გინდა სულო და გულო არ მოიხვეჭო, არ იშოვო, არ გამოიყენო. აქ, ჩიტის რძეს რომ იტყვიან, ისიც იშოვება. ოღონდ ხელი გასძარ, გაისარჯე, იმხნევე, მუცელსა და გულის-თქმას ბატონად ნუ გაიხდი. **იცოდე, დღეს მძლეოთა მძლეა გარჯა, შრომა და ნაშრომის გაფრთხილება, შენახვა, პატრონობა, გამოზოგვა საჭიროებისამებრ და არა გაუმაძღარ სურვილისამებრ.** ვართ კი ასეთნი?

რა გითხრათ? რით გაგახაროთ? რა არ გადაგვხდენია თავს, რა მტრები არ მოგვსევნიან, რა ვაი-ვაგლახი, რა სისხლის ღვრა, რა ღრჭენა კბილთა არ გამოგვივლია, რა წისქვილის ქვა არ დატრიალებულა ჩვენს თავზედ და ყველას გაუძელით, ყველას გაუზმაგრდით. შევინახეთ ჩვენი თავი, შევინარჩუნეთ ჩვენი ქვეყანა, ჩვენი მიწა-წყალი. ლანგ-თემურებმა ჩვენს საკუთარ სისხლში გვბანეს და მაინც დავრჩით და გამოვცოცხლდით. შაჰ-აბაზებმა ჩვენის კბილით გვაგლეჯინეს ჩვენი წერილშვილი და მაინც გამოვბრუნდით, მოვსულიერდით. ალა-მაჰმად-ხანებმა პირქვე დაგვამხეს,

ქვა-ქვაზედ არ დაგვიყენეს, მოგვსრნეს, მოგვყლიტეს და მაინც ფეხზედ წამოვდექით. მოვშენდით, წელში გავსწორდით. გაუძელით საბერძნეთს, რომსა, მონღოლებს, არაბებს, ოსმალ-თურქებს, სპარსელებს, რჯულიანსა და ურჯულოს და **დროშა ქართველებისა, შუბის**

გავწირეთ, უსწორო ომები ვასწორეთ, ხორცი მივეცით სული-სათვის და ერთმა მუჭა ერმა ქრისტიანობა შევინახეთ, არ გავაქრეთ ამ პატარა ქვეყანაში, რომელსაც ჩვენს სამშობლოს, ჩვენს მამულს - სამართლიანის თავმოწონებით ვეძახით. **ცოდვა არ არის, ეს ერი მოსწყდეს;**

ცოდნა უნდოდა, ომის საქმენი ვიცოდით. **აი, რამ შეგვაძლებინა, რამ გვიხსნა, რამ შეგვინახა... იმ დროთა ჩარხზე გაჩარხულნი ვიყავით, იმ დროთა ქარ-ცეცხლში გამოფოლადებულნი, იმ დროთა სამჭედურში ნაჭედნი.** „სილბო გვექონდა ნაქსოვისა“ - ვით ქრისტიანებს „და სიმტკიცე ნაჭედ-



წევრით, ისრით და ტყვიით დაფლეთილი, ჩვენს სისხლში ამოვლებული, ხელში შევირჩინეთ, არავის წავალებინეთ. **ცოდვა არ არის, ეს დროშა ახლა ჩრჩილმა შესჭამოს, თავგმა დაგვიჭამოს. დრო-ჟამი ამას გვიქადის...**

რა გითხრათ? რით გაგახაროთ? ქრისტე-ღმერთი ჯვარს ეცვა ქვეყნისათვის და ჩვენც ჯვარს ვეცვით ქრისტესათვის. ამ პატარა საქართველოს გადავუღლეთ მკერდი და ამ მკერდზედ, როგორც კლდეზედ, დავუდგით ქრისტიანობას საყდარი, ქვად ჩვენი ძვლები ვიხმარეთ და კირად ჩვენი სისხლი. და ბჭეთა ჯოჯოხეთისათა ვერ შემუსრეს იგი. გაგწყდით, გავიფლიტენით, თავი გავიწირეთ, ცოლ-შვილი

ცოდვა არ არის, ეს ღომი კოლომ საბუდრად გაიხადოს, ცოდვა არ არის, მელა-ტურამ გამოღრღნას, როგორც მძოვარი, როგორც ლეში. რათ? რისთვის? ვის რა ვირი მოვპარეთ?

რა გითხრათ? რით გაგახაროთ? ყველა ეს შეეძელით და საკითხავად საჭიროა – რამ შეგვაძლებინა? რამ გვიხსნა? ჯვარცმულნი ქრისტესთვის როგორ გადავრჩით? ნამებულნი და სისხლმთხვევლნი მამულისათვის რამლა გვაცოცხლა, რამ გვასულიერა? მან, რომ ვიცოდით – იმ დროს რა უნდოდა, რა იყო მისი ციხე-სიმაგრე. მისი ფარ-ხმალი, ვაჟკაცობა უნდოდა, ვაჟკაცი ვიყავით, ხმალი უნდოდა, ხმლის ჭედვა ვიცოდით, ომის საქმეთა

ისა“ – ვით მეომრებსა და მამულიშვილებს. ამით გავიტანეთ თავი. დროთა შესაფერი ღონე ვიცოდით, დროთა შესაფერი ხერხი, დროთა შესაფერი ცოდნა გვექონდა, დროთა შესაფერი მხნეობდა და გამრჯელობა. წავიდა ის დრო: დაჩლუნგდა ხმალი, გაუქმდა ვაჟკაცობა, ეხლა ხმალი თაროზე უნდა შეედვათ, აღარაფრის მაქნისია; ეხლა ან ადლი უნდა გვეჭიროს ხელში, ან გუთანნი, ან ჩარხი ქარხნისა, ან მართულები მანქანისა. ეხლა ვაჟკაცობა ომისა კი არ უნდა, რომ სისხლსა ჰღვრიდეს, ვაჟკაცობა უნდა შრომისა, რომ ოფლი ჰღვაროს. კიდევ ვიტყვი, ქვეყანა ეხლა იმისია, ვინც ირჯება და ვინც იცის წესი და ხერხი გარ-

ჯისა, ვინც უფრო უფროთხილ-
დება ნაშრომს, ვინც იზოგავს
ნაღვანს. **დღეს მძლეთა მძლეთა**
მარტო ის, ვინც მცველია და ბე-
ჯითი სულით და ხორციითა, ცოდ-
ნითა და მარჯვენითა. გვჭირს-კი
დღეს რომელიმე ეს დროთა შეს-
აფერი სიკეთე?

რა გითხრათ? რით გაგახაროთ?
ხმლიანმა მტერმა ვერ დაგ-
ვათმობინა, ვერ წაგვართვა ჩვე-
ნი მიწა-წყალი, ჩვენი ქვეყანა.
ხმლიანს მტერს გავუძელით,
გადავრჩით, ქვეყანა და სახე-
ლი შევინახეთ, სახსენებელი
არ ამოვიკვეთეთ, შევირჩინეთ,
საქოლავი არავის ავაგებინეთ.
ხმლით მოსეულმა ვერა დაგვაკ-
ლო-რა – შრომით და გარჯით,
ცოდნით და ხერხით მოსული კი
თან გაგვიტანს, ფეხ-ქვეშიდან

მიწას გამოგვაცილოს, სახელს
გაგვიქრობს, გაგვწყევტს. სახ-
სენებელი ქართველისა ამოი-
კვეთება და ჩვენს მშვენიერს
ქვეყანას, როგორც უპატრო-
ნო საყდარს, სხვანი დაეპა-
ტრონებიან. **შრომასა და გარჯას,**
ცოდნასა და ხერხს ვერავინ-ლა
გაუძლებს, თუ შრომა და გარჯა,
ცოდნა და ხერხი წინ არ მივაგებ-
ეთ, წინ არ დავახვედრეთ, წინ
არ დავუყენეთ. ვართ კი ყოველ
ამისთვის მზად? ან გვეტყობა
რამიმე, რომ ყოველივე ეს ვიც-
ით და ვემზადებით?..

რა გითხრათ? რით გაგახაროთ?
ახლაც ომია, ომია, სისხლის
ღვრისა კი არა, ოფლის ღვრისა,
ომი უსისხლო, მშვიდობიანი, წყ-
ნარი. ამ ომმა არც ბუკი იცის,
არც ნალარა. უბუკ-ნალაროდ

სთესავს, უბუკ-ნალაროდ მკის.
კოკისებურ შხაპუნა ნიალ-
ვარს კი არ ჰგავს, რომ მთა და
ბარი თან წაილოს, მოარღვიოს,
მოღაროს და მოგრაგნოს, „მდუ-
მარე წვიმისაებრ ნაყოფის გა-
მომცემელია“. არც რბევა იცის,
არც ძარცვა. ეს მის ბუნებაში
არა სწერია, თუ თვითონ ადა-
მიანმა გესლი უღმობელის სიხ-
არბისა შიგ არ ჩააწვეთა, ბუნე-
ბა არ მოუწამლა, არ მოუშხამა.
ეს ომი შრომისაა, და ვითარცა
შრომა - პატიოსანია, ნამუსიან-
ია და ისეთივე თავმოსაწონებე-
ლი, თავ-გამოსაჩენი, როგორც
უწინ თოფისა და ხმლის ომი
იყო. ვაჟკაცობა ამისთანა ომში
ბევრით წინ არის სისხლის ომის
ვაჟკაცობაზე. **ვაჟკაც გულადზე**
მშრომელი სამის გაფრენით მე-

ტიაო, – იტყოდა გლეხკაცი
თავისებურად ზედგამოჭრით,
თუ მართალს ათქმევინებთ. რა
გლეხკაცი, თითონ დღევანდელი
დღე ამას გვეუბნება, ამას ჰლა-
დადებს და ჩვენ გვესმის კი ეს
ლაღადი? ვაი რომ არა.

მამ რა გითხრათ, რით გაგახარ-
ოთ?
არ ვიცით – რანი ვყოფილვართ,
არ ვხედავთ - რანი ვართ, ვერ
გამოგვისახია – რანი ვიქნებით.
ყურებში ბამბა გვაქვს დაცული
და თვალებზე ხელი აგვიფარე-
ბია. არც არაფერს ვხედავთ, არც
არაფერი გვესმის. უზარმაზარი
თხრილია ჩვენ, ქართველების
წინ და აინუშაიც არ მოგვდის. ამ
თხრილის პირას ვდგევართ და
საკმაოა ხელი გვკრან – და შინ
გადავიჩხებით დედაბუდიანად.

ორბი, არწივიც კი ველარ გვიპო-
ვის, ველარ დასწვდება ჩვენს ძე-
ლებს, რომ გამოხრან, გამოსწინ-
კნონ, ისეთი ღრმაა ეს თხრილი,
ისეთი უძირო.

ვდგავართ და უღონოდა ვბ-
ზუით „მე ვარ და ჩემი ნაბადიო“
და ამ ბზუილიდან არა გამო-
დის-რა.

იქნება იმიტომ, რომ ყველა
ბუზი კი ბზუის, ფუტკართან კი
ყველა ტყუის.

ახალო წელიწადო, თუ რამ
შეგიძლიან, თვალი აგვიხილე,
ყურებიდან ბამბა გამოგვაცალე,
ფუტკრისგან გვასწავლე დრო-
თა შესაფერი სამამაცო ზნენია,
რომ ჩვენმა შემდეგმა მაინც აღ-
არა სთქვას: რა გითხრათ? რით
გაგახაროთ?

1897 წ. 31 დეკემბერი

გ ა ნ ა თ ლ ე ბ ი ს რ ე ფ ო რ მ ა

ილია ჭავჭავაძე ხშირად ხაზს უსვამდა ცოდნის მნიშ-
ვნელობას და განათლების როლს, როგორც ეფექტურ
იარაღს ქვეყნის წინსვლისთვის. მისი შეხედულებით, ქა-
რთველებმა უნდა იბრძოდნენ არა ხმლით, არამედ ცოდ-
ნითა და გონიერებით, რათა წარმატებით შეებრძოდნენ
უხმლოდ მოსულ მტერს.

მან მნიშვნელოვანი წვლილი შეიტანა საქართველოს
განათლების სისტემის განვითარებაში. მისი საქმიანო-
ბა მოიცავდა ახალი სკოლებისა და სასწავლო დაწესე-
ბულებების დაარსებას, სადაც განათლება თანამედროვე
მეთოდებით მიმდინარეობდა. ილია აქტიურად იბრძოდა
ქართული ენისა და კულტურის შენარჩუნებისთვის, რაც
განათლების სისტემის რეფორმის საფუძვლად მიაჩნ-
და. მისი ინიციატივით, შეიქმნა ქართული გიმნაზიები
და უნივერსიტეტები, რომლებიც მიზნად ისახავდნენ
ეროვნული იდენტობის გაძლიერებასა და ევროპული
განათლების სტანდარტების დანერგვას. ილია ჭავჭავა-
ძის ხედვა იყო განათლების ხელმისაწვდომობის გაზრდა
და განათლების ხარისხის გაუმჯობესება, რაც მომავა-
ლი თაობების წარმატებასა და ქვეყნის პროგრესს უზ-
რუნველყოფდა.

ეს იყო საუკუნეზე მეტი ხნის წინ წლის წინ. როგორია
დღეს საქართველოში განათლების რეფორმის მდგო-
მარეობა?

დღეს, საქართველოს განათლების რეფორმა ხშირად
აღიქმება როგორც დარგის უკუსვლა. ექსპერტები და
დოპლომატიური კორპუსი აღნიშნავენ, რომ დაგეგმილი
ცვლილებები, რომლებიც ეწინააღმდეგება ბოლონი-
ის პროცესის პრინციპებს, საფრთხეს უქმნის უნივერ-
სიტეტების ავტონომიას და ქვეყნის ევროპულ საგან-
მანათლებლო სივრცეში ინტეგრაციას.

ექსპერტების შეფასებები

განათლების ექსპერტი სიმონ ჯანაშია აღნიშნავს, რომ
პრემიერ-მინისტრის მიერ შემოთავაზებული რეფორმა
უფრო პოლიტიკური ინსტრუმენტია, ვიდრე ხარისხის
გაუმჯობესებისკენ მიმართული ნაბიჯი. მისი თქმით,
რეფორმა ემსახურება აკადემიურ დაწესებულებებზე
პოლიტიკური კონტროლის გაზრდას და კრიტიკული
აზრის ჩახშობას.

მნიშვნელოვანია ისიც, რომ განათლების რეფორმის
მომზადებაზე ძირითადად მუშაობენ ყოფილი ძალოვანი
და სახელმწიფო უსაფრთხოების სამსახურების წარმო-
მადგენლები.

საერთაშორისო შემოფთება

ავსტრიის, გერმანიის, პოლონეთის და სლოვაკეთის
რექტორთა კონფერენციები ღრმა შემოფთებას გა-
მოთქვამენ. მათი შეფასებით, რეფორმა ეწინააღმდეგება
ევროპულ სტანდარტებს და მიზნად ისახავს უმაღლესი
განათლების სისტემის პოლიტიკურ კონტროლს.

ბოლონიის პროცესის პრინციპების დარღვევა*

ბოლონიის პროცესის წევრი საქართველო ვალდებული
აა დაიცვას ევროპული სტანდარტები. თუმცა, ახალი
კონცეფცია ეწინააღმდეგება ამ ვალდებულებებს, რაც
საფრთხეს უქმნის ქვეყნის განათლების სისტემის მო-
მავალს.

საქართველოს განათლების რეფორმა, რომელიც
საზოგადოებამ „დეფორმად“ მონათლა, აღიქმება რო-
გორც პოლიტიკური კონსოლიდაციის ინსტრუმენტი.
საერთაშორისო საზოგადოება მოუწოდებს საქართვე-
ლოს მთავრობას, უარი თქვას ამ კონცეფციაზე და და-
იცვას აკადემიური თავისუფლება და უნივერსიტეტების
ავტონომია.

*** ბოლონიის პროცესი** – ევროპის ქვეყნების განათ-
ლების სისტემების დაახლოებისა და ჰარმონიზაციის
პროცესი, რომელიც მიზნად ისახავს ერთიანი ევრო-
პული სივრცის შექმნას უმაღლესი განათლებისათვის.
მისი მიზანი არის ევროპის მოქალაქეთა დასაქმებისა
და მობილობის გაძლიერება და ევროპული უმაღლესი
განათლების საერთაშორისო კონკურენტუნარიანობის
გაზრდა. ბოლონიის პროცესის ქარტიას მსოფლიოს 382
უნივერსიტეტი აწერს ხელს.

ბოლონიის პროცესს საქართველო 2005 წლის მაისში
შეუერთდა.

განათლების რეფორმა თუ პოლიტიკური კონტროლი?

საქართველოს მთავრობის მიერ შემოთავაზებული უმაღლესი განათლების რეფორმა მწვავე კრიტიკის ობიექტი გახდა. ექსპერტები და საერთაშორისო
პარტნიორები მიიჩნევენ, რომ რეფორმის რეალური მიზანი არა ხარისხის გაუმჯობესება, არამედ უნივერსიტეტებზე პოლიტიკური კონტროლის
დამყარებაა, რაც საფრთხეს უქმნის აკადემიურ თავისუფლებასა და ქვეყნის ევროპულ ინტეგრაციას.

ექსპერტის შეფასება:
სიმონ ჯანაშია

რეფორმის რეალური მიზანი:
პოლიტიკური კონტროლი
რეფორმა ემსახურება
პარტიული კონტროლის გაზრდას
განათლებაზე და არა ხარისხის
გაუმჯობესებას.

კონტროლის
მექანიზმები
კონტროლი მიიღწევა
დაფინანსებით, არასასურველი
პროფესორების მოშორებით და
ხელმისაწვდომობის გართულებით.

რეფორმის ავტორები:
ძალოვანი უწყებების
წარმომადგენლები
პროცესს ხელმძღვანელობენ უსაფრთხოებისა
და პენიტენციური სისტემის ყოფილი
მაღალჩინოსნები.

საერთაშორისო რეაქცია:
ევროპის რექტორთა
კონფერენციები

საფრთხე ავტონომიასა და
აკადემიურ თავისუფლებას
ავსტრიის, გერმანიის,
პოლონეთისა და სლოვაკეთის
რექტორები ღრმა მუშაობებს
გამოთქვამენ.

წინააღმდეგობა ევროპულ
პრინციპებთან
კონცეფცია ეწინააღმდეგება
ბოლონიის პროცესის
ფუნდამენტურ პრინციპებს.

მოწოდება:
„დაუყოვნებლივ უარი
თქვით კონცეფციაზე“
ევროპული უნივერსიტეტები
საქართველოს მთავრობას რეფორმ
გაუქმებისკენ მოუწოდებენ.

© Notebook

დროება

ტფილისი

1880 წ.

შინაური მიმოხილვა

ბა დავულოცოთ იმ ახალგაზრდებს, რომლებიც მი-
ელტვიან ევროპაში, რომ პირველ-წყაროდან ისწავ-
ლონ. ჩვენ იმედი გვაქვს, რომ ერთი დასავლეთ ევროპაში
აღბრდილი ქართველი, თავისი განათლებითა და სამაგა-
ლით ცხოვრებით, უფრო მეტ სარგებლობას შესძენს
ჩვენს ღონისძიებით საწყალ, მაგრამ ბუნებით მდიდარს სა-
ქართველოს, ვიდრე ხუთი და ათი სხვა ქვეყნებში
აღბრდილნი.

სერგი მესხი

რედაქტორი

„მხოლოდ იმაში არ გაბოიხსნებთ თავისუფლებას, რაც
გნებავს ის ილაქარაყო, ჭერო, აყვით, არა! უნდა ყოვ-
ნად სიწყვად და მო-მედეგებდ სეროთ, სოზოგადო ბედნიორებ

ედვას სარჩელად, ქვეყნის აუ სასარგებლო არა, სიძვნი-
ტლო, სიძარსლო ბოიწე არ უნდა იყოთ ქვეყნისათვის“.
ვაჟა-ფშაველა

ჩანართი მომზადებულია ინოვაციებისა და სამოქალაქო განვითარების ცენტრი “პროგრესის სახლის” მიერ
მისამართი: 3500, ქ. ოზურგეთი, 26 მაისის ქ. N11 ა
yscozurgeti@gmail.com